



Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-04-01884/25
Datum: 05. 05. 2025. godine



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
ul. Reisa Dž. Čauševića br. 1
71000 Sarajevo
N/r Elvedin Okerić, predsjedavajući

PREDMET: Odgovor na zastupničku inicijativu, dostavlja se;
VEZA: Vaš akt, broj: 01-04-8708-8/25 od 14.03.2025.godine

U skladu sa Vašim aktom broj i datum veze, kojim je dostavljena zastupnička inicijativa zastupnice Marijele Hašimbegović, upućena na 20. radnoj sjednici Skupštine Kantona Sarajevo, održanoj dana 14.03.2025. godine, a koja glasi: "

Upućujem inicijativu radi dostavljanja Ugovora o prodaji asortimana na panju putem licitacije za 2023 i 2024 godinu na uvid. U odgovoru očekujem prezentiranje tokova novca nakon prodaje asortimana, na način i kome se uplaćuju sredstva od prodaje. Takođe želim da mi se dostavi informacija ko vrši monitoring prilikom sanitarne sječe i kako i na koji način se vrši zaštita od zloupotrebe od recimo zamjene pločica na klasi građe?".

Kako je u dijelu zastupničke inicijative – "Obrazloženje", navedeno da se očekuje očitovanje Kantonalne uprave za inspekcijske poslove – Inspektorat poljoprivredne, vodne i šumarske inspekcije o preporukama i izazovima prilikom obavljanja inspekcijskih nadzora u vezi ove problematike i zašto se ne poštuju naredbe inspekcije, informišemo Vas sljedeće:

Članom 3. tačka m) Zakona o šumama Kantona Sarajevo ("Sl. novine Kantona Sarajevo", br. 5/13 i 19/22), Kantonalna javna ustanova za zaštićena prirodna područja Kantona Sarajevo definisana je kao jedan od korisnika državnih šuma u Kantonu Sarajevo, u koje spadaju Zaštićeni pejzaž "Bijambare", Park prirode "Skakavac" i Zaštićeni pejzaž "Trebević", te je za obezbjeđenje adekvatnog načina gazdovanja i sanacije sanitarnih užitaka odgovorna Javna ustanova. Takođe, u

skladu sa članom 22. stav (1) Zakona o šumama Kantona Sarajevo, korisnik šuma je dužan da provodi ili da obezbijedi provođenje sanitarnih sječa u navedenim područjima.

U zaštićenom pejzažu "Bijambare", Kantonalna javna ustanova za zaštićena prirodna područja je obezbijedila provođenje sanitarnih sječa putem sporazuma sa Kantonalnim javnim preduzeće za gospodarenje državnim šumama "Sarajevo-šume" d.o.o. Sarajevo, koje putem ugovora angažuje druge izvođače radova na sječi, izradi i izvozu šumskih drvnih sortimenata.

U izvršenim inspekcijskim nadzorima u 2024. godini, radove na sječi, izradi i izvozu šumskih drvnih sortimenata sa panja do stovarišta (mjestu utovara na kamione) vršilo je društvo "Forest " Kreševo.

Šumarska inspekcija, postupajući u skladu sa odredbama Zakona o šumama Kantona Sarajevo, nema nadležnosti vršenja inspekcijskog nadzora u pogledu potpisanog sporazuma između Kantonalne javne ustanove za zaštićena prirodna područja i Kantonalnog javnog preduzeća za gospodarenje državnim šumama "Sarajevo-šume" d.o.o. Sarajevo. Postupajući isključivo po odredbama Zakona o šumama Kantona Sarajevo, ova inspekcija je, u periodu 2024.-2025. godina, Kantonalnoj javnoj ustanovi za zaštićena prirodna područja naložila tri upravne mjere putem Rješenja, dok je za kršenje odredbi Zakona o šumama Kantona Sarajevo ovoj Ustanovi, izdato ukupno 5 prekršajnih naloga, kako za pravno tako i odgovorno lice u pravnom licu.

Međutim, upravo zbog zakonske norme koja ne prepoznaje sporazum i izvršavanje obaveza putem istog, a na osnovu koje kantonalni šumarski inspektor može postupati, izdata rješenja o prekršajima/prekršajni nalozi izdati Javnoj ustanovi kao pravnom licu i odgovornom licu u pravnom licu bivaju poništavana ili sudski postupci, pokrenuti na osnovu zahtjeva za sudsko odlučivanje, obustavljeni.

Na Rješenje kantonalnog šumarskog inspektora, br. UP-1-14-04-22-01479/25-04/04-004 od 18.02.2024. godine, koje se odnosilo na tehnički prijem radova po projektima na zaštićenom prirodnom području "Bijambare", uložena je Žalba od strane Kantonalne javne ustanove za zaštićena prirodna područja, te je postupajući po žalbi, drugostepeni organ, Ministarstvo privrede Kantona Sarajevo, donio Rješenje, broj: 07-06-22-369/25 od 19.03.2025. godine, kojim se poništava navedeno Rješenje kantonalnog šumarskog inspektora.

Takođe, za sve izdate prekršajne naloge Kantonalna javna ustanova za zaštićena prirodna područja i odgovorno lice iste, su zatražili sudsko odlučivanje.

Slijedom prethodno navedenog, Općinski sud u Sarajevu je, Rješenjem br. 65 0 Pr 1083665 24 Pr od 10.12.2024. godine, obustavio prekršajni postupak po prekršajnom nalogu br. 1102574012 od 17. 04. 2024. godine, koji se odnosio na nevršenje sanitarnih sječa na Zaštićenom pejzažu "Trebević", uz obrazloženje da je sporazumom između Kantonalne javne ustanove za zaštićena prirodna područja i Kantonalnog javnog preduzeća za gospodarenje državnim šumama "Sarajevo-šume" d.o.o. Sarajevo definisano da poslove sanitarne sječe vrši Kantonalno javno preduzeće za gospodarenje državnim šumama "Sarajevo-šume" d.o.o. Sarajevo, te da je Planom upravljanja Zaštićenim pejzažom "Trebević" ("Sl. novine Kantona Sarajevo", br. 23/17) definisano da "Sanitarnu sječu" doznačuju zajedno Kantonalna javna ustanova za zaštićena prirodna područja i Kantonalno javno preduzeće za gospodarenje državnim šumama "Sarajevo-šume" d.o.o. Sarajevo, a da radove na sanitarnoj sječi izvodi Kantonalno javno preduzeće za gospodarenje državnim šumama "Sarajevo-šume" d.o.o. Sarajevo.

Kako Kantonalna javna ustanova za zaštićena prirodna područja osnivačkim aktima nema kapacitete za obavljanje sanitarnih sječa, te iste obezbjeđuje putem sporazuma sa Kantonalnim javnim preduzeće za gospodarenje državnim šumama "Sarajevo-šume" d.o.o. Sarajevo, a čiji su

potpisnici i dva resorna ministarstva, očito je da je potrebno izvršiti izmjenu i usklađivanje nadležnosti ovih javnih preduzeća i zakonskih propisa koji uređuju ovu oblast.

Dostavljeno:

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a



DIREKTOR

Adresa:

